



THE
**HUDSON
BAY SUMMIT**
Montréal 2022

2022 Hudson Bay Mámamowitowin

Anima 2022 Hudson Bay Mámamowitowin ki ayamakan óté Kici Itáwinik Montreal oki kákí akimicik Káskatnowi Písim 29 isko Pawáccakanasi Písim 1, 2022. Anikik kákí nawasonicik óté anihi 28 mamawi ayawina oci óté itéké mistikamikok Hudson Bay éko James Bay kipé mamáwiwak épé ayamihistamawacik nanátok Ininiwi paminikéwi atoskéwina, picitipáskanik éko kici okimáwiwin wanásowéwininiwak, éko kotakak anísiniwak ká kináwapamikocik éko ká pakamiskakocik óma awina kékinowés nakacikit óma askíy kita tápitawi minwapatak. Óma kákí isi nóccikániwak kí ispaniw wina ékí mino itócikániwaki kékwána ékwéniw oci ispiik kákí mámawihitonániwak 2018 éko mína anihi 2019 nanátok píci tipáskána tipénitákosiwina ká itakik ékí ánimótakik wéka ékí kakitotocik anté isi ká nókopaniyan sipwé ayamiwin cikástécicikan kákí isi itócikániwaki mékwác kákí pimi ayámakak óta anima nipowáspinéwin ákosiwin.



MÁMAWI ITÁWINAK NISTOM KÉKWÁNA KÁ NATAWÉNITÁKOKI

Mámawi itáwinák oci kákí wanáskonicik kí wítamwak tániwé itowa ká kistápataki ápacitáwina kita ápataki óma ká natonikátéki, ká nákcacitániwaki ési paminikátéki éko awina ké isi mino nákcacitát ta páminak anihi Hudson Bay éko James Bay mámawi itáwinák, éko mína anima misiwé kékwána ké pakamiskikémakaki anté itátisiwinak. Émámawasinahikátéki anihi kici kékwána nistom kákí natawénitákoki anté oci anihi kakinaw mámawi ayáwinák kikakí miskén anta anima Iskawác Ácinókéwi Masinahikan ká itakik.

KÉKWÁNA KÁKÍ PÉTAMÁK

- Éká ékiskénitákocik tánisi ké itákwatik éko ékotowa nanátok nanísánénitákona
- Épápakáninákocicik óta ká ati ná nókosicik pisiskiwak
- Ká mámawi itáspinatániwaki kékwána anima oci nakasitániwaki kékwána: óté otának, anohc, éko óté isi anihi níkánik nanátok isicikéwina
- Ká kákitastapiy má méskwaciwépak anohc éko ká itáspinatámakak óta itátisiwinák éyako
- Natawénitákon kita nákcacikátéki éko kita níkáni kiskénitákoki Ininiwi kayité kiskénitamona éko kayási pimácihona



Anima Iskawác Ácinókéwi Masinahikan anté oci 2022 Hudson Bay Mámawihitowin ká itakik asiy wítam ékota anihi kékwána kákí ánimótakik éko kékwána kákí mámawi tápwétakik ta isi itócikániwaki éko ta natonakik ta nisitotakik kéko itápatamowina ké natawénitákoki kita kiskinotahéwinániwak ta isi paminikáték anima Consortium ká itakik, anikik Omámawatóskekéwak éko anikik Masinahikana ká Kinawénitakik óté isi wánaw níkánik.



MASINAHIKAN

Anisinápéw Askíy Nákacitáwin éko ká Kinawénitákok éká kita Nisiwanácitániwaki Askíy: Anikik ité nanátok písci tipáskánik ká mámawi nócitácik kékwána níképé wítamákonánik kékwána káwí kocitácik máka ta oci nákatawénitakik tánisi káwí ati isícikátakik ékwani óté isi níkánik éko mína kita kinawápatakik tánisi óma kékí isi mino nákcitániwaki ta oci mámawi mino pimáchonánwak anté Hudson Bay éko James Bay askík itéké ká itakik

Mámawi itáwinák-oci Níkánistamákéwin Niskénitamona Natonikéwina éko Nákacitáwina: Anikik otácinókéwak óma ká wítakik ési nócitániwaki kékwána níképé wítamákonánik tánté éko tánikok tékot sóniyáw ékota kita isi ápatisit, tánté wétinikátéki kiskénitamona, ká wá wícihitónaniwak kita kiskinawámákániwaki kékwána, éko tántowikána ápacitáwina natawénitákoki óma kita náwasónikátéki anihí ká natonakik kita isi nócicikécik aniki mámawi-itáwinák kici kócitáwina. Nanátok písci tipáskánik ká mámawi paminakik isícikéwina níképé wítamákonánik tánté éyácik éko ési nócicikécik anihí oci kiskénitamona natonikéwina, ká isi nákcicikátéki éko ékotowa kotaka itowa oski kocitáwina.

Itáisiwinák oci Naskwásiwina éko Mámawi Itáwinák Pakitawáwin: Anikik Canadian Coast Guard éko Fisheries and Oceans Canada ká iticik níképé mínikonánik émisiwé masinahikátéki anihí óté Arctic Region itéké nócitáwina éko anihí nanátok paminikéwina, máka kawisk é nákcitániwak ké itáspinacikáték itáisiwinák éko anima ká mámawi itáwinák pakitawáwin. Ayamitocikátéwina níkan kí isi mácitániwan kita wanastániwaki kékwána anihí kici nócitáwina sémák ká natawénicikátéki éko tánisi ké isi nócitániwaki kita mino paminikátéki kita mino wíciwikémakaki mino pimáchihona oci anté mámawi itáwinák éko ité nanátok písci tipáskánik.

Ká sítoskamácik Mámawi Itáwinák Oníkánistamákéwak: Ta mámawi ayamitocikáték anima káwí sítoskamácik ké isi natawénitakik anikik óté níkánik ké ati níkánistamákécik kita miskakik ké isi mino ayamihistamákécik anihí oci otitáwiniwák-ká ocímakaki awina éko tánisi kita isi nákcicikátéki anihí Hudson Bay éko James Bay askíya.



Ká Makasinahikáték ité ké isi Pimotatániwak óté isi Níkánik anima Hudson Bay Mámawatácimona: Mámawi iténitamona éko kékwána ká ánimócikátéki anta oci anima nisto kísikáwa káki mámawapinániwak kí mámawi tasitamwak tánisi kékí isi mácitácik kita kócitácik kita itótakik éko wanasowéwina kita pimitisayakikanima oci Niyánan-Askíya Mátáwi Wanénitamona anima oci Hudson Bay Mámawatácimona.

KICI KÉKWÁNA ITA KÁKÍ OCI OTINIKÁTÉKI

- Émáméskwaciwépak nawac wá wípac éko anohc;
 - Misti atoskéwina osicikéwina nanátok isi pakamiskikémakanwa ké ati itásisímakak askíy, nipíy éko anisininiwak;
 - Ininiwi kayité kiskénitamona éko kayási pimáchihona kita ápataki kita oci kiskinóhatonaniwaki kékwána;
 - Kinatawéniténaw kita mámawatoskátamak óméniw;
 - Piko ita ité písci tipáskánik tipénitamowin níkánik wanastániwan ókik Anisinápéwak wínaváw na kinawápamikocik kawisk kita nákcitácik askíniw éko anihí éká ká tawinikáték éká ité nántaw kita tasi nócicikániwak;
 - Apiw/tako sóniyáw éko nanátok osicikéwi ápacitáwina kitakí ápacitácik anikik ká sítoskamácik mámawi ayáwinák oníkánakisowak kita kaskitacik kita itótakik
- anihi nistom kici kékwána ká natawénitákoki ta nócitániwaki sémák;
- Anihí mámawi itáwinák natawénitamwak ápacitáwina ispík óma awiyak ká wanisik wéka ká macipanihikot éko é natawénitak kita natawi paspihit, éko mína anihí ápacitáwina ká ápataki ta pékitániwak nántaw isi písci nisiwanácitániwaki itáisiwinák;
 - Anihí mámawi itáwinák ayáwak nanátok kakwécikémona éko é natawénitakik kitapé wítamácik kékwána ékwéniw oci;
 - Síkimikwák éko tápitawi násik oskátisak ta wícihiwécik piko ita ké isi natawénitakik, móna piko anté ispík ká mámawapinániwak; éko mína,
 - Kita tápitawi kawácíyék kita ánisó pakitinikátéki kayité kiskénitamona nété isi ánisókócapanik.

Government of Canada
Gouvernement du Canada

Canada



MakeWay



Calm Air

ΔΟΔC
Air Inuit

Kisáspin ki cikénitamacihon kitapé wícihiyák, wínóté kiskénitamani awasimé kékwána óma oci Hudson Bay Consortium Working Groups éko Steering Committee, óté isi ayami éko ókik násik: info@hudsonbayconsortium.com

Kakinaw Misiwé Ácinókéwi Masinahikan <https://hudsonbayconsortium.com>